



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj: 01-GV-02-600-1/22  
Datum, 04.04.2022. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na 14. sjednici Gradskog vijeća Grada Sarajeva, održanoj 04.04.2022. godine, **predsjedavajući Gradskog vijeća Jasmin Ademović** uputio je **inicijativu** da Grad Sarajevo izdvoji sredstva za interventnu nabavku 900 kg mesa za životinje u Zoološkom vrtu Pionirska dolina, a što je obrazloženo u aktu KJKP „Park“.

*Zamjenica gradonačelnice Grada Sarajeva Anja Margetić, po ovlaštenju Gradonačelnice, je na samoj sjednici prihvatila navedenu inicijativu.*

***PREDSJEDAVAJUĆI GRADSKOG VIJEĆA***

*Jasmin Ademović, s.r.*

Prilog:

- Akt KJKP “Park”, broj: 01-GV-02-600/22 od 04.04.2022. godine

Dostaviti:

- Gradonačelnici,
- Evidenciji,
- a/a.

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



**From:** Adis Bešlić <[adis.beslic@park.ba](mailto:adis.beslic@park.ba)>

**Sent:** Thursday, February 17, 2022 2:17:41 PM

**To:** Benjamina Karić <[benjamina.karic@sarajevo.ba](mailto:benjamina.karic@sarajevo.ba)>; Jasmin Ademović <[jasmin.ademovic@sarajevo.ba](mailto:jasmin.ademovic@sarajevo.ba)>

**Subject:** Molba za pomoć u nabavci hrane za životinje u RZC" Pionirska dolina" i zoo vrt- HITNO !!!

Poštovani,

Zbog hitnosti i krajnje ozbiljnosti situacije u kojoj se trenutno nalazi 250 životinja u jedinom bosansko - hercegovačkom zoo vrtu "Pionirska dolina", a usljed otežane i usporene procedure javne nabavke hrane za životinje obraćamo Vam se molbom i apelom za pomoć u premoštavanju nastale situacije.

Naime, kao legalisti i preduzeće koje poštuje zakonske procedure, u ovom slučaju Zakon o javnim nabavkama, a kao i preduzeće u čijem se sastavu i nadležnosti nalazi RZC" Pionirska dolina" i zoo vrt došli smo u situaciju da već šest mjeseci zbog žalbi prijavljenih ponuđača na javni poziv ne možemo okončati procedure odabira ponuđača za javnu nabavku hrane za životinje.

Zbog kompletne situacije u proceduri, kao i činjenici da nam je u međuvremenu istekao ugovor sa ranijim dobavljačem, sve zalihe hrane za životinje u RZC" Pionirska dolina" i zoo vrt su gotovo u potpunosti iscrpljene i dovedeni smo u situaciju da Vam se hitnim apelom obraćamo za pomoć u doniranju određenih količina hrane, konkretno mesa za ishranu životinja u Pionirskoj dolini.

Trenutno je u "Pionirskoj dolini" i zoo vrtu smješteno 250 životinja (jedinki) od kojih su većina mesožderi, divlje zvijeri i to egzotične, zaštićene vrste poput lavova, tigrova, merkata, rakuna, gmizavaca, ali i autohtone, zaštićene vrste poput mrkog medvjeda, vukova, lisica.

U ovom trenutku hitno nam je potrebna donacija u mesu i to :

- 450 kilograma goveđeg mesa s kostima, veterinarski ispravnog i pregledanog;
- 450 kilograma pilećeg mesa, veterinarski ispravnog i pregledanog.

Navedeno meso potrebno je da bude pregledano i veterinarski ispravno, jer se radi o egzotičnim i autohtonim, zaštićenim životinjama koje podliježu strogo propisanoj proceduri i standardima držanja i uzgoja životinja u zoo vrtovima. Meso je potrebno da ima Potvrdu o zdravstvenom stanju pošiljke proizvoda životinjskog porijekla namijenjene ljudskoj ishrani koja se otprema prijevoznim sredstvom u unutrašnjem prometu i Potvrdu o izvršenoj dezinfekciji prijevoznog sredstva, ovjerenu i potpisanu od strane veterinarskog inspektora.

Navedene količine potrebne su RZC "Pionirska dolina" i zoo vrt za period od maksimalno 30 dana.

Do tada se nadamo da će predmetni postupak javnog poziva za dobavljače za javnu nabavku hrane za životinje koji je u toku i biti okončan, mada poučeni dosadašnjom praksom i iskustvom, a zbog bojazni za dobrobit životinja svakako ćemo biti spremni ponovo vam se obratiti za pomoć u slučaju iste situacije.

U nadi da ćete na naš apel odgovoriti što hitnije i omogućiti nam isporuku potrebnih količina traženog mesa najiskrenije Vam se zahvaljujemo i stojimo na raspolaganju za dodatne informacije i pojašnjenja.

S poštovanjem,

**Adis Bešlić**

Direktor

Tel: 033 560 570

Fax: 033 560 561

e-mail: [adis.beslic@park.ba](mailto:adis.beslic@park.ba)

Posjetite našu [Facebook](#) i [web](#) stranicu.

...

[Poruka je odrezana] [Prikaži cijelu poruku](#)